

河濱詩選

卷五



10943

河濱詩選卷之五

朝坂李 楷叔則著

七世族孫

及門陽羨吳晋剡錫孺校

同里後學謝福寶景徵叅校

男 建標訂

同里後學謝蘭佩晚九校刊

七言古

海颺篇 效長吉體

海颺捲雨驅日輪雲帶容裔如奔塵蔚藍西望氣粼粼傾

霞注谷寶璘彬安得乘虛陟崑崙崑崙瑤池杳何際上有

神人兒東帝湖山蓐收主府藏羲和曾頓消盤轡弱水誰

河濱詩選

卷五

一

云不芥舟大火羣星盡西流如何世人眸子短只解若木

在東頭

縹絲篇

蜀絲黃越絲白蠶叢自稱蜀道難無復錦官城邊客繡水

短桑報繭生織戶新梳滿城陌素絲咽咽哭白黑慰爾龍

文作五色扎扎雲梭幻鬼工遙遙飛航如上國昔時金縷

尚無數今日衣被分八極八極衣被生光輝誰憐此物不

復歸我布重澣猶在筒此物縹緲共雲飛欲採蜘蛛既不

可角蠶碧金世亦稀安得賣入七襄手留作仙人五銖衣



泗州篇

吁嗟乎泗州濠梁拱其西鍾山朝其南天壽倚其北一丘
趨走護百靈四時方物陳萬國祠官胙蠻風宿清陵畔軍
校知繩墨鐵馬石麟寂無聲長楸古栢生寒色殿戶不扃
流水奔垣衣鹿跡縱橫織君不見斬蛇赤帝西入關芒碭
之雲使人惑周鼎不藏王孫家樹藝常存后稷德吁嗟乎
泗州庶人有壟松檟存寒食猶然莫膺豚

明鏡篇

答聖秋

宛水初合句水流疊障江城映宣州昔年太白此曾遊梧

河濱詩選

卷五

二

桐橘袖謝公樓退之倚嫂亦此間藐孤困頓事維艱文章
忠鯁拔流衆居然北斗與泰山吁嗟流離與奔竄賢豪不
遇國已換樊川小杜携紫雲風流只在宣城畔青蓮昌黎
難再逢于今滄父作吳儂北望秦關歸未得短髮日暮且
相從君不見明鏡庵頭水波濃秋雷野電泣蛟龍

城樹篇

城樹葱葱春風肥城草茸茸羔羊饑城外鼓吹大船飛吹
入客心淚濕衣莫待紅櫻燃海圻田笋成竹與齒違紅星
青箭留不得物情如此堪凄惻君不見樹非豫章才草無

桃李色年年榮落在城頭烏鴉夜啼麋鹿默

宿遷篇

司晤山外城宿預春秋宋人宿遷處伍員里中豆籩香項
玉臺下雲樹蒼蒼兵擄蒲舊殿具耕出泥沙猶有光朱山
作野疑翁子市丘獻鼎志泗陽泗口塔山入望裡依稀屯
兵舊壁壘五代曾經郭彥威晉時劉遐亦至止石崇倉基
事有無城池市影諸葛湖馬陵井底中秋月四海惟此月
輪孤河濱老子好遊覽夏熱無舟涉長塗作詩神遊聊一
賞小牕獨坐撚白鬚

河濱詩選

卷五

三

霹靂篇

霹靂霹靂何喧囂殷殷啞啞風怒號惟此百里不辭勞疑
是天公設鼓吏新聲一搥試汝曹小者鳴其聒大者鳴其
鏦淵淵金石能應節雷車石斧失其操不然魑魅公行于
白晝不必澤之坎宥山嶽嶧山澤日日望雷急天遠妖橫
雷不及會將上帝醉醒時公當早聽妖魑泣

鳴鴉篇

君不見馴狐夜號鬼豪雄鳴鴉高搏羊角風有鳥疾呼聞
上帝備言鳴鴉惡不細果腹能盡南海魚狂嚙曾過中原

獬百萬生靈寸咽中力强翅勁青雲際青雲縹緲容遁逃
凡禽亦輕高天高豈惟鳩鳥將連茹將使鳳凰羞其曹古
來梟羹須端午今行秋令當疾捕不知天公意如何且看
萬鳥皆歌舞

觀海篇有序

客有談登山觀海者雞鳴前卽見日出初如髻珠微現
漸如半輪赤鏡皆於蒼涼黑影之中作正朱之色與梵
筭五色之說迥異獨至形如滿月時突然躍出高約丈
餘金光萬道莫可名狀人間乃漸有曙色云又言好事

河濱詩選

卷五

四

者於別峰人跡罕至處觀海中雷電目眩幾不可自持
則抱樹而立察諸水族踊喜搏擊如岸如山者爲魚如
隱如出飛動有光者爲龍跳舞不休者爲蝦其餘詭異
之屬莫可殫述無不與雷鼓應節予聞而壯之因以思
海霞爛錦海風飈空海霧迷漫海月寒皎海星遙森其
爲景字或皆勝覽以予出居已久未觀海面故爲神遊
命曰觀海焉

天眼看海如杯水千瀉萬海皆若此分流一出須彌山漚
而成淵何足後沒圍小吏眼孔小望洋之篇煩頰齒尾閭

沃焦氣虛盈呼吸納巖非玄理祖龍千古一癡人東巡浩
蕩海之淚遙望數點三神山恨無毛羽飛萬里漢武封禪
亦徒然下追魏氏尤爲耻碣石滄海意茫茫不過歌詩而
已矣我思東南水之區百川朝宗無異軌劫盡海枯不爲
悲堯唐洪流不爲喜何哉生此彈丸中海市蜃樓驚欲死
有客凝睇老龍宮夜半先邀日天子天雞未叫桃枝傍金
烏欲跳滄波裡吞食如蘇乙辛夢用遼史耶律乙辛牧
羊夢咬日方半事作
玆難繫修羅耳用法苑珠
林修羅事剎那推出紫金輪海頭霞脚爛
如綺搖魂盪魄念神仙騎日乘月難嚮邇復有人兮雨中

河濱詩選

卷五

五

觀十萬龍族皆卓詭霹靂轟礮吼鯨鯢電蛇奔舞蹴鬱壘
疑是天公入博場方技雜沓亂角徵尋常茅屋閉空山那
知百神來案几湖淺江狹瑣不陳竒觀信唯斯爲美備聞
客語嘆海天未可一變卽桑田我愛海中非一事總以博
大醜成妍海神謂我良知已他人虛譽豈能傳

黑雲篇

五月十三時芒種江心一片黑雲縱黑雲繞舟舟下沉官
長欲與江神訟黃金白金昏夜堆此物辛苦命所重神無
交際無兒孫浩浩長波何所用又無權要無倖門將以阿

堵與誰共長年知神不可干却作長跼語達官江無時竭
金不出省得董金赴長安

二沙篇

大沙小沙生江淤吳大帝之牧馬處想見萬騎如雲屯曾
是三國人借箸或云江水昔怒流沙洲突生亦神助赤烏
年間孫氏興白馬負土陽侯去滄海桑田古所傳三國以
前江猶據造化反覆尚無恒人心渴湧得不慮又聞武穆
下令駐陰沙季代軍容紀宋家此後金元奕棋耳江洲莽
莽生龍蛇孤山石碓地氣變瞥見城郭立水涯朱定徐泰
亦非偶明時因之令種化成化以後二百年但有雞犬與
桑麻田沃民則爭隣邑弄刀兵虞芮或相似未見質厥成
江洲之人采江芷鯨魚揚鬣鼓海水海水颺風那更多二
沙之民悲聲起水中不可以登岸陸地車馬無水戰我憐
此城大如拳添兵設戍堪長嘆二沙歌歌更苦人生先事
須綢繆無待倉皇思後補

黨人篇

漢亡宋殄不足陳詔書猶然及黨人東林崔魏相水火雅
正反覆如車輪平氣不須激吾道不須伸碎骨已無救何

况存其身君不見蛾眉曼嬋妾薄命粉脂拋擲空粧鏡當
日見妬不勝情今日遠嫁良非幸又不見栢舟寡婦老無
夫羞上前山採蘼蕪雖不截卻雙手去公然滸瀧佐中厨
黨人未盡國先盡悲哉丘陵樹上烏後人莫讀黨人篇使
汝徬徨迷所趨

羅浮歌

與陳子明
有序

粵東海濱之山有自海浮來者至于傅羅合而爲一稱
羅浮焉其下有陳子明者愾想五嶽覘余以太華之篇
因懷太青覺斯遂爾平章作者濫及不才焉予里于南
河濱詩選

卷五

七

海爲遙以予所聞羅浮事嶠以飛來勝踰鴈宕緬昔堯
時羲仲南訛交趾之封當隸版籍迺自漢代再闢明世
南暨萬國朝貢比隆越裳今者子明未歸予又飄零湖
海遙賦茲作以當臥遊

羅山一瓣落祝融戲與南海戰薰風天帝爲遣蓬萊島浮
來萬里走空濛儼若軍張左右翼千峰萬峰摩高穹泮水
初涪天吳勢九州漸奏神堯功碁布島夷各建國溟渤相
連騁艤艫始信六鰲蟠地軸錯落山海奠神工山高夫如
何其大不可窮王屋若爲絡岱嶽若爲通右股枕桂林左

肱抱霍童金壇如別館峨眉如離宮海濶夫如何山鏡磨
青銅上界如三老諸嶠如侍僮四百三十二一皆彊雄
雨沐樹鬢碧霞洗嶺面紅鯨鯢不敢過蛟蚪影爲空山中
夫如何洞天深且洪朱明耀真宇仙書道笈同泉源福地
處鐵橋寶花叢飛泉九百派石室七十硤有雀備五色有
竹字籠葱鳳鳥能時至山有羅浮鳳竹符亦蒙戎蝴蝶遺衣化
金線異草茸仙踪夫如何勾漏葛仙公青陽與桃椎華鄭
單劉翁華子期鄭思遠單道開劉高尚黃鮑猶未遠黃野人鮑靚軒轅若可逢
軒轅何姑吟鶴馭呂祖寄詩筒玉蟾朝斗返鄭叟騎牛神

河濱詩選

卷五

八

佛迹夫如何不異少室嵩景公正阿耨景泰禪師花首啓迷蒙

花首菩薩岩石存伏虎羅漢想呪龍卓錫靈淵側鐵佛震旦東

羅浮高士辭仙山玉鶯飛雲長自閒太華公超出霧市時

與遊戲在人間高詠羅浮詩乞得麻姑酒長吉天鬼不可

賡呂葛粗豪直吾友南交故在幅員中威武快絕漢諸叟

陸賈楊僕洵可人任囂尉他復何有我欲懇帝乞羅浮此

中祇合駐名流此道飄零無紀極刪詩不得事孔丘蹈盡

北海復南海會聽鳳凰鳴啾啾

醉酒歌

惠山新釀如素女海上老酒如雄兵柔肌清理不易得豪
致歷落亦縱橫鼓我據鞍矍鑠之老帥攻我塊壘愁苦之
堅城宜我一月三捷之露布張我六軍奏凱之歡聲俯觀
共落姜維膽咆哮駭聞鉅鹿爭萬夫辟易還驚羨太公真
能毋野戰老猶如此壯何如酒國乾坤凡幾變昔也吾黨
多龍鬚一一粗豪不北面宴笑初投祭遵壺清風徐揮諸
葛扇勝事朝昏共追奔與酣直使黃金賤那知轉盼曠離
群生死存亡久已分今予飄零身猶在橫海不飛萬里雲
眼前桃李堪自慰昇仙雞犬空云云起看壘空瓶已罄顛

河濱詩選

卷五

九

倒岫嘯碧落文

聽吹管歌

我昔寄謁金天宮朝帝笙璈聞羽童群聲儼繹吾未辨但
覺入耳悅心胷鐵遂雲穿裂玉簫月朦朧緜嶺來子晉吹
出鳳雌雄獨有仙管音猛厲飛揚高下難爲同爾時竊恠
此何品曷不和婉如春風悲筳畫角鳴鬢粟砂積渺渺遊
征鴻今日聽管籥柔軟廢伶工靡靡新聲颺白雪倚歌輕
落榴花紅鶯滑燕巧語玲瓏嬌若牆在宋家東當世誰可
爲師曠石畔人不問生公我問昭華瑄不是嶰谷筒贈出

西王母能達虞舜聰來儀率舞彼一時千羽兩階有苗通
此意蒼茫不可見甲子曾承秦王讎八音知爲鹿鳴歌文
學謬登麟趾殿弱冠抱策走寒冬皇家演樂祀先農天壇
道士太常隸祝敵瑟琴雜鼓鐘迎神送神習三獻文舞武
舞有儀容大禮還崇朝日典樂官常見御天龍傳說天子
能好樂舜絃時在宮中作追思嘉靖湖成祖咸英韶夏護
雍勺豈但垂裳聽葛天至化悠長被朔漠象胥萬國舞蹈
新桑麻千載民人樂所以祠祀綏百神仙音梵唄皆不惡
仙音縹緲入洞庭梵唄亦向諸天鳴敢謂伊洛夫子是不

河濱詩選

卷五

十

禁鈞天夢裡情亂離以來無角徵垂老淒其感太平卽今
太平江南好管聲吹出岐山鳥一吹開盡姑蘇花再吹新
生石城草傷人聽者驚喜殊曲罷海上青山老

地震歌

甲午地震于秦多而
且甚作歌以紀之

久不歸秦不欲問恍惚傳聞秦地震小者地裂大崩城死
者無筭十三生去年冰雹打禾稼雹大如磨人已驚今又
千里郡邑土不寧將無夷峰堙谷平不平地德莫測天更
遠我欲叩天淚沾纓西連華陽黑水之棧道北有燉煌張
掖九塞之軍營漢上兵歸老幼泣長城牆倒金鐵鳴終南

遠亘無首尾其中盜寇虎貔各縱橫谷深土肥蒿草盈
柿羌桃落滿坪官隸匪荼苦租重無人耕吁嗟秦川已變
改昔時浩穰如陸海豐鎬西京不可詢少華山崩是何載
昔聞地震文人死當時文人死便止於今人盡老成空哀
此子遺亦人子

浩浩歌

浩浩乎洪河肆溢南北流南者淮海未爲喜北者山東城
郭愁浩浩乎以君爲瑞不勝書前有龍圖後有白魚濁則
決漉奔歸墟清則聖人飛龍車憶昔鯀未成功堯舜怒伯
河濱詩選

卷五

七

禹倉皇失所措恨不推倒崑崙丘填平河源省民作今日
河與人相安往來不知行路難陡聞河決岸崩拆卜居慎
勿近河干

買花歌 和太虛

朝入買花市莫聞買花歌不是春花費吟哦花前相對感
慨多半塘買人花比玉日日修飾悅心目江北江南水盈
盈家家買花人未足我生不修名花福實緣阿嬌無金屋
昨者財到買花船城中城外正相憐馬啼鳴野市無壓何
人猶擲買花錢喧豗咆哮行人止停觀不爲樂與餌花客

守花價不輕爲誰傾國闕欲死此事爲花太風流幾人春
日修花史花史可憐容天涯當年金谷陋豪奢植梅笑傲
壽陽主藝蘭還得陰麗華今日買花能幾許學士自向花
前語春晴利那不爲歡安知明辰無風雨買花歌歌未半
高車貴客旌旗爛白頭花外一神仙買醉看星移銀漢

賣墨歌

贈君謨

有客蓄墨如蓄兵十萬雄師部部精以此憑陵驅四海豈
徒退守面百城實以經史宛委之珍笥儷以丹砂古玉之
光榮山川已泣移斥谷猿鶴還聞作楚聲知白守黑夫何
河濱詩選

卷五

七

事鬼谷不肯學縱橫吾聞此物古人似唐之巢由漢兩生
胡爲十年貞不字孤力敢與鬼神爭嗟乎哉何故貧苦甘
茅衡歸與此墨共陰晴今日携墨賣未得使我悽悽難爲
情

梅花嶺醉歌

二月十二天氣晴揚州人傳百花生閒人似與花有分便
學踏青郊外行出彼北門眼初豁橋邊春草香可撥復看
春水流活活百萬春愁已半奪重與散步梅花嶺望中聚
散多遊人須臾鹿車颯然集藉草跌坐惜芳辰處世須禮

義焉敢失其身長幼貴有節此義如君臣行年半百雖將
老隅坐隨行敢率真同席處其未卮酒不知巡青州美醞
新壓槽剪韭還持畢卓螯陳隋江山秀周遭漢魏風雅論
三曹不憐梅花無舊樹且看柳葉暗漁舸此時旣醉將言
歸更遣送酒賞斜暉停立高岡爲觀射選矢彎弓興過飛
憶昔兒時好馳馬時時遊冶長楊下舊年據鞍尚飛騰揮
金強半因杯筓高山空負蓮花峰往事歛歛未央瓦未央
宮殿久悲涼墓田纍纍枕蜀岡一相衣冠枯萬骨謂史閣部事
祇今榆下鬼不藏今此焉得不大醉更有撥阮老人至阮

河濱詩選

卷五

三

聲淒斷使人悲流連復對天寧寺寺邊晴陰人所嗟白頭
深念在春花花開花落春屢改日暮誰知在天涯

聽歌歌

汾陽家宴繡香雲作使名倡石榴裙常從畫屏見此舉未
得親向古人語今日金釵十二行分明雨花來天女乳聲
細婉澹欲無香態遲回凝如阻誰家產得碧桃花却在春
筵歌激楚五日一曲成十日群隊旅未免樂師大促人翻
愁聲容不見許倚簫按拍宛清陽短髮翠袂眼波暑此意
歡愁人不知妙用童心調六呂主人側耳性情深徵歌拚

不惜黃金金玦犀箸花間照柳外晴臺已橫參有客攢眉
觀歌舞低頭點點思往古豈無當時座上歡于今寂寞懸
鐘鼓鐘鼓何代不長安聞歌此日爽眉端四海風華纏頭
錦一嘯蒼茫壯士肝笑殺華州避楊綰不如東山老謝安

賣舟歌

生不及交古諸侯徒步巖城日暮愁古人贈客車今人誤
客舟蒼黃失我水中虬失我水中虬使我夜亦無所棲書
亦無所游嗟乎貧哉友何尤

鍾茅歌

與圯人

河濱詩選

卷五

古

南戒之山蜿蜒奔騰千萬里結爲鍾茅拔天之高峰天市
垣應帝王都句曲盤列神仙宮武夷高士毓靈質出離閭
嶠來此中混迹人間人不識自云頗解先天功手捲上陽
紫賢之寶書細看鄧都魏氏周易之參同大笑似得軒轅
術度人欲御列子風此老行年五十九出遊四海入無窮
有時倒杖分六秀比肩郭璞楊筠松或復介冑談韜畧欲
與孫子吳起爭雌雄遊戲顧虎頭締社白猿公點金不試
雲邊竈採藥恒守海中龍此道亦須富貴力安能九鼎鑄
荆銅世變抱一聊爾爾生兒已得玉爲童華陽前輩陶貞

白更與勾漏老葛洪上界雲霄可以聳身而直土慎無重
來娑婆萬苦叢人畜龍鬼胎光動偶爲墮落生其躬六鑿
日日傷竅妙不復朴素歸鴻濛七日可嘆混沌死萬劫迷
愚色是空禪蟲紛紜鑽敗絮蜂蟬蠻觸亦洶洶干戈浪生
城郭血珠翠飄流鬼火紅稽首吾家老仙翁三清真境夙
相通上古聖賢不可以驟晤此道微妙包羅以冲融但云
慈厚愛明誠心田無過乃所宗卦氣周流六虛理上弦下
弦應屯蒙不必吐納枯坐洞天出浮海直入扶桑東人類
宜在人倫內原非草木與昆蟲尻爲輿兮神爲馬超超何

河濱詩選

卷五

五

異高飛鴻淮南霞舉連雞犬琴高乘鯉歷蒼穹我聞此語
猶河漢每漸衰齒塵埃衝使我意遠翊八極窈然因鳥出
樊籠捐名已等玉蝴蝶割愛將擲粉芙蓉垂頤漸生雪皓
皓枯腦不覺山童童思惟九節菖蒲之草萬年瓊鹿之茸
友俞跗與岐伯問金母與木公今日始憐占紫氣何時廼
爾凌白虹相約且涉江之淑長挾鍾山茅嶽一枝筇他年
果有蛾眉侶飛向三十天爲耕雲鋤月之老農

望九華山歌

九華山峰遠可數惜余蒼翠未擗取當年詩賦無供奉零

落將與尼山伍譬彼十指缺其一石笋纖纖不異土置身
如飛清虛中俯眎十洲同接武何況培塿拳石耳不產丹
砂與鐘乳我思我生僅後時鴻濛遂得擅盤古碌碌笑彼
山中人披衣危坐學毛羽其餘啾啾喘息徒陸畏犬兮山
畏虎士生拔劍縱橫看安得卑促等腐鼠詔爾九華九子
代相更我無汝愛不汝爭紛紛潛山錫與鶴山乎山乎亦
輕薄

直梅歌

魯孔孫爲予言杭州王聖翼家有三百年古
梅其身短而直上如覆蓋昔画曲竹以配之

聖翼
能醫

河濱詩選

卷五

六

每恠陶菊與周蓮一繫其人不復遷老梅自歸林處士杭
州無梅能相傳王家短梅賦性直短悍鐵作將軍色三百
餘年飽古霜矯如種橘蘇耽側

黃卷歌

張恭錫示我石齋
詩卷作歌紀之

石城人誦石齋詩天上明神聞之悲每有酸風出神烈大
江巨海喧天睡絕筆欲呼文山鬼匡州不返秀夫屍石蹲
碧血身後恨雲寒黃絹死前詞甲申猶爲焦桐製作詩曾
遺建昌守建昌尚無群盜蹤帝子先謀下殿走經畫賴藉
二千石形癯神王氣干斗拔刀留邀存孤城真同相如欲

碎首此公能使反側安建昌王孫土仍有此時江東是甲

原崖崩川潰師難料太史詩意非故鄉將扶一纓成乾紐

桓文連帥事飛灰上林曠騎等衰柳黃寄張詩四律有云上林無曠騎下邑勤

腰脚又云世道猶堪挽江南未動時桓文連帥業申甫蒸民詩久治能臣少無憂明主疑又云歲德餘牛斗軍容亂

斧柯皆甲出師諸葛雖未成南宋閩都奈速朽至今篇什

申時所作氣蒼涼常作老蛟風雨吼此詩爲我許一觀安得不淚生

波瀾我昔曾從太青遊亦知揚馬主文壇茂先博物徒瑣

瑣景純爾雅不足看西極閩海雙赤幟光祿太史兩珠藥

咋舌兒曹識險字妬眉醜女忌龍鸞天上至尊雖知己十

河濱詩選

卷五

年不拜石齋官那知文人能忠義坐令世事入衰殘相逢

嘆息生酸楚忘年便敢相爾汝歸來堂下酒初成千杯傾

倒不復語

長江控制圖歌 有序

自楊子溯而上至于潯陽修亘千里稱長江焉其云控

制者控長江而制之也舊以陪京陵寢設操江都臺後

又設統撫或云皖撫之設鳳撫卸擔以爲之夫天下事

任之固難交相諉焉何以成功今觀畫卷予愧于故實

不能悉但聞先朝洪武自采石姑熟而下永樂靖難自

儀真而上隋氏平陳兵分兩道廬州總管居上游揚州
總管居下流然則控制以人不以地亦有以天不以人
之時總爲歌詩不勝三嘆

兒時讀史稽九皇山川九區氏居方四萬五千六百年盤
古未遠何蒞蒞家居河干踐太華足跡焉能徧秦疆戊寅
始作大江遊略經冀豫淮海揚但見江濤清如許不比洪
河色渾黃江干斥埃繡錯落中流舫艫接舳舻兩岸山色
扶天翠千帆櫂歌出雲長翔見都城蟠龍虎復走攝山看
風檣曾聞父老說遺事徘徊吳橋南樞志司馬文章范質

河濱詩選

卷五

六

公未雨綢繆憂亂治防海紛雜藉邊兵防江尚且督文吏
江左守卒護孝陵江北驢嘯來罔寺此時慮海不慮江那
煩沿江爲戒備亡何盜賊過全椒滁陽鳳陽警不遙護軍
何惜督師印牙戟旌旆晝蕭蕭雖云豐鎬周邦舊未見彭
濮萬國朝直北爭趨元首重東南敢計本根搖江南江北
增財賦半佐勦征半議遠豈謂四海人民苦獨忘三江雞
犬焦甲申我來渡江水雞犬人民啼不止招安降將亦南
奔爭封爭爵群顏此或傳提旅阮家師昔歲山樵稱百子
新曲精妙刻羽商義檄華藻宣意旨中樞宴坐伊何人字

晝風流矜絕技偶同灞上與棘門誰念君辱臣當死此後
寥落荻花秋日夜大江自東流我泊九華近樅陽指點皖
桐果上游九江彭蠡道咫尺琵琶之峽庾公樓蜀人東下
出白帝魏人南窺輕南州孫家兄弟真奇士驪分一足騰
龍虬六朝瓊細空相代隋家一統不足愛嘈嘈厭聽周宋
初南唐量江絲猶在即使石城爲天室詎教江北成邊塞
趙氏臨安劇可悲此地戰船勞甲鎧采石那聞虞允文真
州已解岳飛輩元人百年居大都江間悠悠波浪碎集慶
官戍向江波金陵王氣積更多天市垣開帝內座日月明

河濱詩選

卷五

九

昭古羲和堞倚蔣阜如蒲坂關踞清江比渭河三十五年
江河動齊黃之謀成何用袁盎晁錯漫相追周禮改官堪
深痛朝見燕師照儀真夕見金闕飛丹鳳自此景陽鐘邊
聲長入南朝寺裡夢駢拇枝指寧庶人潯陽敢作鯨鯢閔
不卽問鼎謁高皇蛇足皖山失其衆文武之功何洋洋守
江防江湖章贛乃知江南唇齒惟豫章復有鎮城據武昌
縱無萑苻生湖湘戰艦當時血康郎此水南北皆圻甸山
原寥濶田畦荒徐泗中原相扞蔽英六汝穎易跳梁東入
大海楫諸島海蠻君長亦梯航相傳倭寇游魂似寶刀七

尺光燁煌邊海斥鹵城難築野鷗駭散多流亡其間三千
洲渚曲沙賊搖艣亦蹶張或以潢弄忽其事常使水伯恨
不忘長江之險終不改險以人守謀須臾作客十年江頭
久江風吹霜折江柳突見長江控制圖歸酌江南一壺酒
控制長江憂思遠有人却悲控制晚北海多賢君獨存高
年歸臥猶善飯此圖他日屬何人我一展祝每傷神長江
東流不復返莫向江頭更問津

揚州看菊歌

秋打霜林葉半禿滿城爭看揚州菊荷後梅前不勝情却

河濱詩選

卷五

三

種此花學金谷今者排闥菊花側菊花紛綸殊顏色爾時
鼻眼各有入幾度定情不可得徬徨聊從衆人遊秋氣清
嚴生淒惻菊花主人誇繁華百種千般同一域香衆不分
簷蔔林錦綉如觀天孫織低高相亞枝柯交穉壯肥癯各
自飾銀瓶猶灌翡翠盆牙籤分榜喻麋墨偶向主人問花
名一一嘉名皆新勒其中取似豈全虛使我感愴勞胸臆
主人自東數向西從容玩對且吟題習見習聞吾不齒異
者龐雜焉能齊最初恠訝疑鬼工朱黃二艷共一叢自是
兩心慚異色面或如土或殷紅那許此菊稱五嶽悲懷常

衡岱華嵩復恠紫者榆林紫邊聲吹盡沙場耳如穉征戎
向漁陽酪酥沉醉琵琶死倚屏正出金孔雀忽思赤鳳翔
寥廓萬里南詔尚文明金翠翎毛未剪落痛絕癡絕醉西
施越樹吳山難自持羞殺佳人酩酊裡不記亡國舊淚時
坐馬嬌者豈汝輩馬上風沙撲粉黛錦鞵玉鐙無消息霓
裳羽衣容易碎且惟晶晶玉樓臺會城衣圍爲誰開天晦
倒引螻蟻入縹緲仙宮莫兩哀青蓮荷花名猶燦化人佛
諦天竺畔皈依雖聞紫禁中殺業何日能永斷西菑菊者
亦殊奇葡萄遂憶漢威儀中外混合藩籬破如將日出貫

河濱詩選

卷五

三

月支醉海棠如海棠醉蜀道迢遙妃子睡成都顏瓦浣花
溪棧路劍山堪涕淚何堪更問獅子頭鬚髻毛髮怒圓毬
將軍薙削千鈞短處士曼胡七尺羞嗟嗟誰存萬卷書李
泌架前惠子車馬蹄泥盡烟火滅與汝珍重歲日餘旋看
瑪瑙盤亦好酌以琥珀酒尊倒此時皆醉方相宜真須迷
邦且懷寶主人最後指鶴翎况復揚州是鶴城如今鶴來
棲華表城中草骨猶相縈吁嗟乎春去牡丹失其權花王
冷落隨寒煙菊稱耐霜點秋色揚州圓圃爭鮮妍此時看
菊恐相失不慊明日如今日我家舊住蒲州傍丈菊紛葩

多艷質山陰襄垣帝子家分花遙從河東出菊來衆皆仰
面看村酒邀朋坐斗室花神史官顛董狐仙牋香譜事不
一主人但解說揚州却爲揚州涕橫流秋暉冬雪百十日
誰人常在菊花頭

西湖歌

六橋橋下水春風漾綠羅舟中唱子夜彈曲響鞞婆傍有
宋人駐輦之鳳闕環以龍伯浴日之鰲波神禹子孫無尺
陞吳山草木見六羸此邦之人文而弱數百春秋不持戈
民力及今苟無匱樵子漁郎足放歌

河濱詩選

卷五

三

洞庭歌

湖之中兩山相望如蟠虬匪但爲桃源亦可凌蓬丘中有
萬年之古木靈異之仙流其在近者唐天寶宋建炎子孫
俎豆守松楸素封勝于萬戶侯漁父皆知湘妃樓樓架木
施板爲
地皆以斑竹爲
之今古所罕橘柚之富魚蝦之稠日高晏起可以忘憂
湖波洶涌益不止乎三萬六千頃樓船水師又何事于來
遊吁嗟乎險亦不可恃洞庭洞庭豈足留

海棠行

金陵儀鳳門外天妃宮相傳永樂中
植自海外蕃邦余未得觀花開時

秋海棠花開離離春海棠花綠紛披花香不嗟蜀山隔花

盡猶吊秣陵枝秣陵蕭蕭春久去老衲扃花隣新故天妃
旛蓋等銅駝棠枝鳴禽吟玉樹客來問花不爲花秋風白
露泣蒼葭昔年植此經海槎海波蛟虬窺英華神宮負靈
碑三丈瑞葉歲蕤徑一斜曾近鐘聲落梵寺時有內使來
宮衙黎庭人去花漸老三百年來花不掃春花成風江北
南垂絲鐵脚名總好君不見仲尼檜夏后松草木無情世
代空宋家花石何足問漢武曾築葡萄酒

委巷行

去年太守過吾門委巷蓬茅如春溫太守今年門又過熊
河濱詩選 卷五 三
車不入一何尊舊守新守如傳舍門外冬春如晝夜執轡
禮士久無人式廬且難誰肯下

虎檻行

生男勿作公與侯冶鐵勿作劍與鈎金張許史終難保戰
伐殺戮魂相讐君不見檻中虎居汝飼汝還皮汝

地黃行

有上官檄所司索地黃者如其言大怒或以
黃金投之乃悅古人之爲隱語豈其如此戲

作此

爲篇

神藥能變化變化駭人心昔聞杞作狗今見芋爲金此藥
河北不云寡若比丹砂出其下春秋天子亦求金何須淳

子豕韞髀古人隱語或易曉夷吾浩浩歌三年不鳴鳥亦
有不言情可傳文無爲當歸相思表纏綿地黃爾何物千
里煩徵求有病不可療反生使者愁悞恨嘗藥古聖人精
鞭鞭草事何神七十二毒皆可祛五金百草不相倫地黃
黃金事恍惚那得藥圃成金窟幸未檄徵地骨皮當使大
地無皮亦無骨

獨醉行二首 有序

予拙于音聞歌者聲雖意知其善不能舉似良以故鄉
朴厚不尚歌舞先教嚴切不畜青衣比來江南與富家

河濱詩選

卷五

十四

之譙悅耳之餘輒復喟歎豈非居近唐風思深蟋蟀素
日貧儉未能豪華乎美男破老美女破舌匪但國家之
戒士大夫以楊越公郭子儀爲法然且不可獨飲而醉
作此爲詩反古者皆醉獨醒之言曰獨醉行

獨醉先生常獨醉情性陶然真不僞入室清風當笙等更
排班管爲舞隊自言不愛歌舞好安得金石常擊考但聞
童男舞與歌柔聲軟態蛾眉惱目成心與有餘嬌若謂相
逢恨不早餘桃駕車龍陽封前魚揮涕口脂掃漢高自是

英雄徒枕宦者股嗟衰老便嬾妖艷賣珠兒銅山賜鑄鄧

通寶但將容華盡精神儘有雨露沾花草豈謂滑稽漆城
設亦非抵掌寢丘保昵比頑童或可羞媚子從狩亦足討
王侯福享未有涯此事轉盼成枯槁

獨醉先生酒耽耽章日獨飲每成酣或云何不畜舞女風
致婀娜暗香含少者乳音方韶齒大者豆蔻年十三剪金
貼地花成席裁毀爲車鳳作驟未許延年稱傾國君然飛
燕已盡簷窈窕後庭傳狎客峇峇結綺動憂悛不待白紵
悲秋扇那得離緒引春蠶滅燭絕纓誰釋恨竊符執拂漫
懷慚只憐月裡山河影照入筵前玳瑁髮吳苑高臺奔麋
鹿漁陽烽火耀甲函噬臍衣玉夫何及樂極悲生痛不堪
吁嗟乎樂極悲生痛不堪人生寂寞有餘甘

燭跋行

無夜不燒燭呼兒治雅頌舟行以燭隨老夫將何用獨坐
耿耿非遊盤圖書還從燭下觀眼昏却惱字畫細光短不
支水氣寒寒侵薄被清夢溼夢中婀娜紛來集金石碑版
異聞多苦無金購心焦急此心劇可憐亦覺深可笑自首
皇皇然自悔虛年少年少父賜一樓書家破南來癖未除
典衣賣琴家貧窘妻孥大怪恒晏如先生晏如真自得惟

有此事在胸臆但不入市閉門居書肆經過難痛抑書肆
書賈皆熟諳北遊淮浦南江南故人謬恭非無贈買得殘
笈常數函丹鉛自顧青蚨盡朴陋未化老僕愁老僕諫我
似忠我君好積書事亦左書帙已多豈徧攻况復四方猶
坎坷此語不然拂我胸人生適意百年中生未束脩學尼
父那堪碌碌從王戎埋骨不必陶家側化物寧爲蠹書蟲
昨欲抄書黃山下先朝遺史許相假通州做篋買未成
范蒙諸子盡鴛其父書購書之難
太世守其書亦不易故愴然感之數日作惡嬉笑寡

蜈蚣行

河濱詩選

卷五

五

蜈蚣蜈蚣生百足怪爾支離異蟲族但憐夔與風何以分
遲速不知爾吻含奇毒於我眈眈視爲肉詭爾踪留我指
其痛不可名難名亦難止或云求蜈蚣庶幾乃逝已我猶
忍痛奈若何傍人代擊蜈蚣死天道昭昭報復明請君試
聽蜈蚣行

蠶豆行

王瓜杏子秦蠶候東南離離登蠶豆客言三吳重蠶桑屋
小蠶功不易就細判沃葉次第施相厥眠起與老幼惟以
此豆克爲餐青餅紅棗供曉晝高戶謝生人如舉嬰兒拒

隣右彌月治纜盆如薦新麥及朋舊豈但養蠶家辛苦竟
如斯每值養蠶時官長亦念之租吏不上門爲之罷訟詞
一歲女紅千箱錦請君三復蠶豆詩

空屋行

富家作園象金谷疊石紅茅錦不足季倫被禍綠珠亡當
日華堂成空屋空屋無人鎖月華鳴吻蕭蕭莫啼鴉屋中
主者何所往萬里投荒未還家

公署行

公署繕修新吏迫署中舊吏妻孥厄爲賢爲愚迥不分解
河濱詩選 卷五 三五
綬長爲縲縶客縲縶連連士心驚朝爲郎官莫貫城勸農
真是農家好坐臥牛傍如弟兄

負版歎

塗中估客行負版方楮三尺字未鏤朱文印泥爛猶明姓
名如麻紛在眼此冊舊藏後湖中後湖深嚴人不通戶田
包絡十五國原與周禮職方同憶昔兒時聞黃冊傭書之
人慎點畫十年始一經營之登耗因宜爲損益不知縣官
意如何曾否司農詳且覈當時石城號陪都日月無多遂
陳迹冊出人間不足珍鬻與裝潢在亂擲此冊未問買何

方何年締造幾存亡若逢魯國宣尼叟憑軾徘徊心更傷
望黃山

黃山嫵媚如新浴不辨峰巒三十六傳聞赤堠撥空山與
險不得藏珠玉龍鬚已事杳無存人壽從來滅龜鹿黃山
黃山何日窮呼吸還與帝座通君不見西有太華東岱宗
古時天子告升中

淮陰天妃宮

瀦澤百畝城之陬水心平土生汀洲冠以樓臺象海嶼忽
使神仙無阻脩我非霧市張公超宿霧爲我護崇丘清氣

河濱詩選

卷五

天

颯颯蕩葛巾野服六銖吹颺颺無有擎拳曲踞之儀節行
笈卷舒足相酬眠足而起起復眠我僕亦然晝常休瞥爾
矯首見漁師鯁鯁三寸卽蒙收稚魚不慧尚飛躍老魚機
警豈無愁蟹筐蝦須長貢賦徵珠剖蚌亦相求我思物情
天所厭戲使往復生恩讐臨水禮廟三嘆息喧聞使者復
來遊淮城日莫煙光合浦岸蕭蕭暑已秋

酒樓

界首舟次

江南酒樓石城側欲揖李白不再得江北白酒勸客嘗淮
陰市土鈞臺傍鈞臺酒樓相去遠江北江南愁春晚有錢

須聽莫愁歌乞食還從王孫飯昔日人人識酒星今日寂
莫臥孤舫藕花漁火隔湖汀纖月銀潢掛驛亭夢中往事
聞人語前身悔殺鄭交甫覺來却恨江南城龍蟠建業無
舊侶

仰詩二首

我所仰兮在崆峒側身欲往路梯窮仙人隻手闢鴻濛懸
日揭輝天之中吁嗟鬼神輸其工黜醜還雅卓芙蓉惜哉
絢履未得從使我汎瀾淚沾胸

我所仰兮在滄溟欲往從之絕羽翎仙人玉策禪云亭飛

河濱詩選

卷五

三五

入蓬壺俯寰瀛吁嗟海若何冥冥銀闕珠樓不可經悲哉
音響秘且扃使我縱橫淚沾膺

臯橋

昔漢有梁鴻此依臯伯通臯君骨已朽臯橋名未空吳中
人如海無際隱者居之省鍵閉回首霸陵是周京何用五
噫嗟漢帝臯君具眼一綢繆亦如物色辨羊裘今日客主
非其人薄者泛泛甚者讐君不見臯橋橋下水時爲清流
時濁流

讀黃東發日抄

携友入市得殘書警喜失聲寶不如久知東發心今見東
發筆不步象山塵但守考亭律其中經史更通淹日抄日
讀我不嫌是夕置酒與友飲大醉大叫同掀髯古人書在
身已死當時生者寡廉耻度宗不復念襄陽釋菜孔廟空
爾爾東發文字署咸淳慈溪山水光千春每思南渡諸君
子痛恨西湖葛嶺人

石田棧道圖詩

李白賦蜀道天梯石棧相鈎連沈周圖棧道江塹鳥路可
攀緣我非得隴復望蜀念彼張良燒絕棧道之當年險固

河濱詩選

卷五

三

在一隅不如關中全關中多帝王輔者多英賢秦人建旄
制六國漢家黃圖何赫然帝用巴蜀民以定井鬼躔零落
後代多殷遷綸巾羽扇出師地此棧軍容照九天可以長
驅華渭擣入秦川巾幗司馬遺恨魏延劔閣崢嶸來鄧艾
井絡石室稀人煙何爲唐家作南京長安錦繡忍相捐百
官旌瓠飄零久他年日月幸雙懸吁嗟乎棧道之中聞杜
鵑行人涕淚競潺潺公孫白帝不復起王景花蓋委金鈿
唯有明宗之磐石蜀富秦尊如比肩虎貍一長嘯成都城
不堅殺人骨成丘劓者號四千僞西黃巢屠更甚全蜀無

人草木填竭來兵戈猶未已此棧傷心如斷絃吁嗟乎棧道圖蜀人一見不成眠

石仙人

讀華岳集追爲此作

石仙人其影滅沒入嶙峋我昔坐臥張超谷未見紫霧裹
山中峰下西南經礮礪壁暗赭石蒙靈塵此時精靈或他
往把臂欲從嘆無因韓衆應行采藥地叔卿亦騁駕鹿輪
仙緣杳杳啼猿落影尚難求况其真

江雪

祥情競看土牛鞭我獨江舟看雪天雪明山色如近人天

河濱詩選

卷五

三

亦皎潔爭春妍比來新讀景陽詩晉代風流尚可傳伯仲
何當曹輔佐文譽能如張茂先古人手足良有幸感歎鶴
鴛身子然孑然復未歸終歲在雲煙白雪如笑客侵入鬢
毛邊君以三萬六千日車輪舟楫相周旋今對雪花影將
見桃花燃若使東流還西去應有期頤返少年

夏寒用巧韻

咄嗟上天亦半狡五月突有陰雨攪却使做袍仍御躬蒲
扇冰紈失其巧榴英不敷丹鳳嘴雲脚常露白龍爪我雖
肺病不勝酒亦思沾酒酌子卯客來共對古觀牕斜坐歌

眠不能飽忽思故園蠶豆熟山妻煨火及午炒大笑莫恨
驚星明但求暗盡旄頭昂暑來爰曦毒煎人感此先愁腸
寸絞

遣愁

浮戶之流舟爲燿揜之土久發藏人情怖鬼慊穢惡利
之所在終不減感此不復愁愁來不用酒但存君子名後
世爲北斗貧無一事容江南老不成名復何堪

西學

和柳

昂鼻黃髮稱天主謂天如器主可舉今其術行歷非古奇

河濱詩選

卷五

五

物異聞殊絕人漸次居第如官府曾傳其國推立君不立
妃嬪不御女將無身毒九師同實非閬苑三仙侶我昔閒
行訪異人龍子湯子談鬼神寂寥未見門如市寵遇何常
駐朱輪神宗雖容利瑪竇西洋萬里來孤臣庭不刈其貢
朝不用其身七克豈博縫掖喜荒唐乃被老僧嗔土大夫
或有
其說者諸禪宗
音舊獨深非之車馬榮光誰不羨有客無慘爲三歎吁嗟
乎人情好異百藝陳四裔聞風爭利見祠竈不聽方士來
袞袞亦上唐家殿我共客語卽共題皇天子人不分東與

知命與俞叟

我生春秋五十六老不知命如魚鹿亦如日行塵沙中時
恐風來眯病目兒益十八將抱子兒瓊十歲初誦讀兒建
八齡未從師儼如三笋依枯竹新安俞叟今季主罷官手
頭無所蓄爲予父子察五行謬云一一皆令淑上天於人
固平均豈敢覬覦只求福借此惕心教少年但期實地學
前賢吾衰子幼復何事日夜相對萬芸編爲謝俞叟談心
曲春花春酒兩茫然

瞽儒

河濱詩選

卷五

三

與弟無事作春遊日莫微行街市頭偶過瞽儒談骨相始
信李廣不宜侯瞽儒能以手代目脉明太素不用卜七情
細眇皆懸知何況生平衣與祿聽之咋舌反疑驚儼若舊
時交曾篤我笑時人不知人不如瞽儒得其真使汝掌選
文與武應有賢者爲臣隣

龍鬪

華陽百里江之濬深林忽有兩老人衣緇兼衣白龐眉鬚
如銀不知何所爭但聞猙獰語不馴玄雲白晝作烈風復
暴噴大木千尺失輪囷欵如鋸截分兩身飛樹亦將小兒

去颯颯飄墮不遂巡時有一客乘馬來將往過之粉泥塵
石坊崩塌室廬倒雷部之車何麟麟居者有目還共見豈
謂龍鬪非其真龍與天游尚如此毒蛇毒獸疑鬼神五月十五
日句容北江龍鬪六月始聞乃作詩紀之

河狔

十錢買蔗漿五錢買蘆根漁家饑不厭捐生煮江豚味美
毒人西施乳古來殺身皆自取却將西施比河狔切莫少
年就歌舞

蠍虎

河濱詩選

卷五

五

蠍尾如小人螫人了無因蜂針雖云穎域影尚爲仁虎來
虎來蠍則止蠍敢抗衡輒得死虎不嚙人反益人安得賢
者皆如此

船板詩三章 有序

閭門內曲巷以船板爲業者船敝則曳而就之如罷牛
之就屠肆予哀其勞于水而棄于陸也匪特棄之且析
之金木崩離檣櫓分張計造舟時成之維艱夫人才成
之難摧之易也殆亦類是

大船破浪乘長風小船鼓柁草澤中何爲廢置岸陂同化

新充作東厨紅誰矜波濤昔日功江海湖溪浩無窮新船
辛苦莫相雄

嗟汝昔時負良材匠石物色非相摧施墨運斤如風雷峨
船載人亦快哉一朝失勢臥蒼苔支離擁腫自不才山中
天年不生哀

俾汝明堂作一柱風雨不侵堂宇處不然捐軀爲門屏猶
勝風波煎憂慮用違其材旋斃之此木何辜匠者誤可憐
同時衆木群一半纔伐青青樹

洗融

有序

河濱詩選

卷五

三五

王荆公有烘融詩余戲擬之

貫融射手不可得捫蝨英雄空在眼嗜剝肌膚居人衣皇
訊汝曹於何產爪拶甲剔巢穴空京觀未封奏凱返往往
遺種見兒孫焉能滋蔓空一鏹我以水師灌其宮亦如不
濕城三版饕餮肥者浮鳴夷餘黨纍纍如繫縮蟻臣未及
孕繁多龜手論功勒汗簡還挽天河洗甲兵飲至宜傾黃
金瓊嗟汝潛入近地時居然肥飽不知蝨蚊雷外患禦有
方汝輩肉食復無限使我儀容失肅莊絮絮爬搔思削剗
自今和襦始澄清賜以七鬯酌醴醖

觀花

人娟娟花娟娟老翁顛倒求少年少年不顧心惘然欲語
少年語不得少年正愛花顏色花下流連死亦甘可憐人
花兩不識枯骨難對三春花花開空爾新塚側新塚舊塚
仍相望昔時未死蝶尋香空同至道聞黃帝鴻濛渾沌過
雲將老年大悟恐弗及少年心神勿自戕

老年看花有慧眼不看花色看春和金壘美酒雖不飲塊
壘憂愁消已多富翁欲作萬花主萬金買花不自苦不知
已身能幾何慙慙代花愁風雨人唾此翁私歎嗟春色不
河濱詩選 卷五 三
住一人家縱饒有金復有勢那能買盡人間花君不見海
榴金沙前後死花命不長亦如此笑殺權門閉佳人方藥
紛紛尚無子

櫻桃

櫻桃豔如珊瑚珠天匠新綴江上區大珠膩甘欲成紫小
珠澀瘦未爲朱摘人傾筐仍置守倏忽入市已求沽綠雲
葉觀鸚鵡嘴赤玉盤堆火鳳雛潤作佳人脣一點嚼回詩
叟腸全枯黃金臺畔昔逢此高陽酒伴相招呼冰瑱天街
情不淺蔗漿內醞興還殊金張許史足禁往上書言事亦

非圖教塲中使鳴砲火輦下兒曹恃唐虞三年屢選青錢
士一日難憑市井徒流落終違春殿閣荏苒不覺白髭須
每撫時物潛飲淚脾病焉能試酒壺

罌粟花

罌粟花色間白朱朱如緋衣白如瑜世人着眼牡丹株爲
問留情此花無春盈黃坤萬卉愉何擇邠國與鳧與亭亭
翠本承榮樹各有薔澤紛且腴碎彼夷光及閭姬得時者
智失則愚非曰容華天淵殊芍藥謔贈信狂且苟其知我
卽子都齊莊相對不耶掄過於九錫酒百壺與君相賞聊
河濱詩選

卷五

三七

斯須轉盼荷花水中敷

野鴨

野鴨群飛急如箭羽聲蕭蕭過湖畔入冬網羅鏡手多往
往登庖充實宴憶昔使者稱大人漕撫索鴨時深春此物
稀少累小民家鴨千百翼不換野鴨身鴨媒能有幾不支
索者嗔促云刻期待大賓遲之須臾命則殉將令嚴急語
聲頻鴨尸長跼獻千緡始肯俯從減鴨數又云籠鴨須細
筠如此百計財肯去天生野鴨夫何故可歎上官一點紅
小民滴血幾十戶

放生池魚四首

道傍清沼市魚恩，大魚小魚長兒孫。清明時有遊人至，買得蒸餅看魚戲。癡魚那有江湖心，幸無漁師爲酷吏。水府以此爲小康，數畝雖窄堪避地。吁嗟鱗鬣或有情人間，猶多傷心事。

我昔石甕狎文魚，碧藻寒泉清且虛。偶思豢龍猶詎累，蓄養凡魚意何如。東南水國雖無際，將恐白魚見豫且。守鰲只作淤泥主，焉知龍與凡魚伍。試待春水漲，桃花飛潛終然分雷雨。

河濱詩選

卷五

三

寺魚終日聞梵鐘，水梭猶恐網羅從。塘魚窮年囓池草，噉鴨撥刺愁中老。那得主人無客來，雖有金盤常自保。君不見宋時官家勅放生，四海猶然魚爲羹。吁嗟東陵哺人肝，口腹如此何其殘。君不見山中兔雉哭獵犬，煙簑赤釣縮頭龜。

鱗不生鱗，鯉不鯢，鱣不生魴，鮒不鱖，鱗蟲誰謂無甄別。但見魚龍或共栖，柳毅靈詭復何意。我欲問之聊且置，或謂龍淫豈其然。逆鱗探珠思封事。

竹間見蝶、蜨、蜥、蜴二種，遂以賦之。

新竹娟娟天不暑
上有蝶蝶錦如女
清陰寂寂獨幽栖
搖翅無聲衣楚楚
爾不拍花學毒蜂
亦不嚙根爲竹鼠
蜘蛛雖有網
躡躑其奈汝
無奈汝何汝躡躑
主人憐汝亦自憐
我輩愛竹情何偏

新籜綠粉冷嫋嫋
舊竿青玉老垂垂
蒼筤何能分新舊
自是人情失歲時
蜥蜴據幹不爲雨
湖海何方避雨師
竹不能言蜥蜴惱
誰將燕肉爲龍膺
龍神未貪一餐飽
俾汝揚州甍
枯槁

風鳶

河濱詩選

卷五

三

誰家稚子剪風鳶
楮作鳶身線自牽
線長野曠早春天
隨風飛送何翩翩
初如聳翅離林泉
旋如翔空滅雲煙
小兒大兒驩駢鬪
亦如騎鶴上登仙
風高紙輕線力綿
只愁吹去不來還
掣手一笑意茫然
隣兒注目相留連
且欲收歸田舍邊
此時飛者凌重衣
自謂可到閭闔前
不知毛羽本不堅
那得免却一絲纏
怨此掣曳失躡躑
因風嗚咽語難傳
紙朽竹敗風空煎
迺知萬事皆不全
歌此曲心情悵慎
勿寫入貴人箋
貴人勢位正騰翻

小麥青青大麥枯

小麥青青大麥枯江沙地僻叫鶉鷓水中何有舳與艦來
往遊戲如檣蒲誰爲仗劍贈天吳長使鼉鼉保肌膚農家
那得任前驅破屋守婦事其姑回祿焱焱不可呼但問馬
蹄傷稼無

觀荷

揚州最是繁華渚六月荷花嬌欲語我欲闌入荷花中葉
香風靜逢神女水碧無波亦無煙七尺小舸載新醕欸然
輕瓣落粉紅便浮尊罍歌白苧醉眼橫看隋帝宮宮前改
盡安石壑

河濱詩選

卷五

早

漁習三首

漁習垂垂九尺長雨後漁家入口忙漁婆戴笠水之傍癡
魚何知慎行藏但見城水黑山水黃目眩心惑爭遊翔物
命筇筇水一囊賣錢入市薦誰嘗

漁習漁習隣竝舉細瑣鰻魚脫幾許觀者垂涎相偶語岸
上新筍誰嘗酷有客齋心獨念汝赤貧何能贖汝苦

習習重重圍城郭城郭人饑魚不樂大魚小魚歸鼎鑊此
事不須惱漁家天公之意亦太惡大海吞舟魚殺人此人
前是漁翁身

山茶花

串珠茶花淡紅波異名曾識曼陀羅江南春冷開已晏情
重歸人奈若何爲爾飲以酒重與發長歌蜀水有錦官蜀
山有岷峨爾鄉詩人歸東坡鶴頂犀角入冰雪梅海聖俞
或心折故是蜀客咏蜀花茶名甚美亦可啜今日魚鳧無
行人棧道何曾聞燒絕滇中茶勝舊潯陽此鄉阻遠腸百

結

鶴頂茶滇中爲勝潯陽山
茶株大盈抱王敬美云

賦蘭亭

有僧有僧曰辨才能師智永翰墨之鑒裁珍惜右軍蘭亭

河濱詩選

卷五

五

筆匣置屋梁不忍開云此三百二十五字耳傳自白雲子
之天台唐宗好奇詔僧至贖本相將謬相示辨才託疾歸
山房此帖深藏豈易致蕭翼元帝之曾孫帝以權謀托此
事微服迂道入越中辨才意興與之同彈琴握槊還棋酒
新詩倡和諸真風從容百計得方便始出當年秘本之化
工乘其不意竊而歸惡呼郵驛何匆匆出我墨勅驚天使
何況老僧六十已成翁金縷瓶瑪瑙椀帝賜御史一何腆
物三千段穀千斛辨才作塔遇亦鮮吁嗟乎右軍當日亦
何心禱帖萬古重山陰君臣好事事皆就此事留傳遂至

今小藝且然稱不朽使我遙思道德叟漢帝能知河上公
筆墨筆墨復何有

李北海娑羅碑

有序

古人風流詞翰皆永亦其時也李子感之賦娑羅

娑羅樹娑羅碑碑存樹死使人悲太守遺徽已陵谷誰其
嗣之陳文燭採山礧珉光如玉古螭寶戟森相逐我來坐
臥其下不忍去自午至晡眼飽足吾家尚有鴻烈辭八公
仙去不可追吾邕書法今具存多骨之魚過庭咄吁嗟乎
太守退食多暇弄文采光芒如龍戲大海會直康又享佳
河濱詩選

卷五

聖一

名今非其時不可待吁嗟乎淮南娑羅關西雲麾我欲棄
此不復言科頭老圃不識字銷盡機心臥丘樊

水西與博士弟子論文

水西小剝綠如洗樹色新秋總可喜去城數笏官不來道
然便似深山裡道傍屋舍多蕭條唯有湖波千頃水幽鳥
咽咽聞其間應有高人臥未起時當離亂情多傷遵陌行
阡聊爾爾我眼空濶命貧窮長嘯策藜經蘅芷况復宿業
繫文昌射虎雄心尚不死携來秃管久塵封談天緘口亦
如此樹人樹木何能爲旅踪盤桓嗟洵美淮海多才俊琳

球欲一把手論壽史中懷深秘佇周行有酒盈樽罍恐耻
片晷低徊不勝情輕舟何處堪憇止

人日 效長吉體

海燒烘雲生鱗甲搏桑暈珥雙龍夾屠蘇瓶罄魚燈新琴
澁指凍不敢狎荒荒西館石苔春寒綠無雪癯而狹緬曩
長干俯清流菜肥不殺湖中鴨于今軟瘝入頰紅印須飛
黃從韎鞞

燈夕送仲木訪凝遠工部

江鄉燈夕競龍螭社鼓嘈嘈走小兒復有異狀新火樹酣
河濱詩選 卷五 三

飲徵歌夜不疲此樂三年難再得况值客子共流離夜臥
每驚鉦鏡急晝行頻厭羽旌馳卽教尊酒澆魂礪詎無停
雲繫相思於今八寶民儉朴燈時蕭蕭湖水湄我有好友
伯鸞生一葉遙來隨所之俯仰握手不勝情胸懷昂藏古
人詩雙鳳六鰲凌氣格千榼百壺訂心期司空凝遠居江
浦便欲乘風破清漪吁嗟乎友道五倫稱古處紛紛之變
良所嗤

觀仙蹟漫賦簡王昌之

數旬不接王叔子咫尺之間如千里春風邂逅廣陵壽古

鉄神螭評仙史盤廻矯鬪青羊宮屋漏畫沙應羞死丈夫
立身如操觚要自磊落奇崛始君家義獻我斯水千秋墨
痕光生紫

露筋堤

君不見巴蜀峽斷腸峽暗天窄行人忙君不見華嶽崖擦
耳捫蘿失手落崖死又不見淮海堤露筋堤決白浪跳濕
雲憶昔長堤虹蜺爛蜺蜺青翠生雙岸堤東郡邑犬牙連
腴田錦市紛無算西有三十六大湖隔絕如讐不相見歲
久此堤穴孔稠其如人不屬秦郵司空雖近北防河縣官
河濱詩選

卷五

五

無錢作預修曾聞北方水勢狠昏墊之民不知緊若云田
廬隨大家豈計漕輸關倉廩須臾堤崩魚鱉舞一望茫茫
無寸土百姓救死不暇嗔每因旱燒愁秋雨秋雨淋漓復
淋漓郡人買稻向安宜

後露筋行

種穀莫種稻買田莫買谿遨遊當遊南卜居當居西君不
見露筋堤石圻如雷喧水激成奔溪人居其下幸者如鳧
鳴不幸如雛雞老婦置子舟之中下沒沉釜斲入泥衰柳
猶作藩籬情上有野鵲向人啼

江樹江雲二章贈喬子車

江之樹離離復青青參差如萬戶春風太相暱新色發其
故豫章尋斧斤荆榛盈中路江樹何其嘉雲露時相度君
不見木奴鄙可憐苦李道傍全又不見鳳桐斷爲琴木蘭
剡爲舩江鄉水澗山峯稀樹少誰爲種樹年江之樹何日
披襟坐樹邊倩汝清風與曉烟

江之雲流來復流往晶晶吐輕紋湖雲以靜寂海雲如屯
軍均以水氣生其理有所分土濁水則清安得不離羣吾
昔愁旱無所可不慣夏日雲如火竭來航水多風暴恐有
河濱詩選

卷五

五

雷霆雲中裹春晴曉靄入湖紅紅玉龍文生右左此雲可
愛不可親安得乘雲往漢津江之雲宜爾油喬餉遠人散
作清霞四海濱

贈喬子異

喬仲子勵志父書與古史日日庭莎俯翠青不出門堦航
秋水我以俗情苦馬牛愛此高致無得比牀頭古劍不必
鳴時放白眼伸雙眦悠悠稗官堪自娛一身孤備康成理
堅白莫學公孫龍薄才敢矜遼東豕頻聞仲子嗜詩書便
思周旋從鞭弭邾侯萬軸新未觸雖多奚爲飽鼠齒復有

買積還珠人中無得處如屯否邇年古道墮灰塵網秩牙
籤色不起走馬長弓短箭騎舉世韎韐輕素履吁嗟浮名
浮雲同讀書之外何足喜仲子才高善自爲他年高山聯
女祥策騎好過黃金臺便道函關來鄜時

田父吟

田父吟一吟一沾襟東家不求田饑餓常昏沉西家田數
畝凍餒亦侵尋古人恒產事安能復到今貧者欲賣田富
者慳其心明知地生粟不肯市以金此心夫何毒衆怨日
以深汝旣饒厚賞奚爲費酌斟恤厄乃君子乘危必獸禽
河濱詩選

卷五

異

素封再三嘆田租力不任我種麥菽稷隸來無好音我畜
馬牛羊供億苦見侵我子業詩書我婦理線針我租日以
加我憂益泪淋田土食人肉不在寇成林嗟嗟田父之吟
吟何苦聽者無勞狎歌舞

述懷寄揚州王司理賒上

廣陵勝迹黃堂剩金帶芍藥花光淨不比無雙亭畔華止
向后土祠前競阿麼高駢不足論魏公作守有殊政我昔
萍跡汎光湖時入宦城訪古鏡龍鑄江心貯霖雨大旱應
禱澤百姓燕巢林木彼一時竹西歌吹初相慶芟柔蠲瘠

民堪憂絃聲一鼓輒聞磬玉勾天深鰲背高讀書聊且恣
幽興十六春秋廿四橋明月多於波間送客中難覓青精
餅蓮岳先理長饒柄輟耕常憶天南端仙牡丹前延性命
孔北海與李北海安得把臂相賓敬山東才子今節推駿
望右軍王太令三尺能化雷電章五龍還占七公正屬邑
尚訊壽考人太平宜表 天子聖射陽祭酒吾老友胸懷
坦直無坎阱 謂侍御封公
宋叔議先生 知膺酌醬借五更必有倬史傳
三徑題鴻遙寄古揚州洪喬幸少浮沉病河濱猶及荷花
開碧筒折飲酒戶勁

河濱詩選

卷五

七

地震

天如君兮地如吏靜不肯靜夫何意隱隱隆隆變冬雷幸
可倏忽還定位此事上有神靈知神靈無以人爲戲

哀鹿

嗟爾鹿幼失其羣並離其蒿與莘於我乎依依時一鳴狎
如客子之晨夕馴如幼婦之媚好而未成嗟爾左扈山洛
洧水山之生野而死無罪見殺悲不可止有客語我悲且
止南人北死亦如此

寄題鹽池

禹貢鹽卽賦不止風沙君鹽池剪落霜雪冰霰之萬頃化
作財阜解愠之南薰南風寧惟虞舜有此中神異結瓊玖
雨沒風濃不一天築堤圍池官夫守南山雨多撲空牆涸
鮒西江足升斗數年鹽價重於金他方私販罪非偶無然
引水出高厓丁夫支持聊且苟靈州花馬青紅隄弓矢刀
兵紛紛走百姓四方苦呻吟賢者憂之愚者笑豐隆飛廉
太多情管子太公空同謂會見垂衣與虞同池上習習生
南風

大河行贈某

河濱詩選

卷五

哭

五月恒雨溢大川十萬龍蛟各紛然宿漲應增星宿海瀾
澆直下青冥天驚入雲族吞禹鑿迷茫莫辨水與烟雖有
巨魚不可餌但見洪濤拍日相周旋一壺千金公無渡何
不停車父老前秦中父老扳留衆驄馬行行青絲鞵三日
五日浪息驕那知不奏河清頌 今茲天子冲聖神武畧
文人皆大用西土能搏周公賢使節將煩月支俸栢臺霜
斧每飛來龍駒大宛爭輸貢我公還朝念雍州喏喏必如
岐山鳳綢繆未雨有遠心輶車舊路非昨夢會須五時享
蕃釐直與河華相伯仲公語父老急渡河河伯急公淨其

波候吏猶望前驅去榜人已發欸乃歌河干竹送獨無語
部下遺黎禿髮瞞寄贈毘陵無一物惟有薰風動林柯

丁未元日詩呈黃邑侯

帝歷六年春風迅不雪先覺陽和進新承德意命羲氏

今歲

歷臣更改西洋制法頗出新意敬授人時復定閏

閏四月節候經緯與舊異

雍州西方

周禮同二十四番徵花信元宵立春已爲奇元日朝天逢

堯舜虎拜稽首皆寅恭吾邑公侯宜遙覲只此百里河渭

交荒沙斥鹵勞田峻履端萬事祝登平老民稚子及齠齔

幸無疫癘疹氏星顧我茅屋安不震有犬知守不獵圍有

河濱詩選

卷五

巽

牛畊田九十順有雞孚卵不司晨有羊麾肱聚牡牝我累
舊家墳廟多不堪禾稼愁枯潤欲懇皇天求其仁仰見青
帝傳心印云此仍是子遣人豈能不邱成饑饉惟爾老朽
事大夫但當小心而祇慎知爾清貧墨冥生曷不賣田徒
鄙吝昔今唐遷征徭煩爾子何當成秀俊吁嗟帝德良淵
深蟻蝨餘生懷赤蓋所欣邊圉得安眠上仁下義無恣釁
老成黃髮立昌朝賢令以次爵祿晉玉燭照應烽塵清種
樹築牆成幾仞

諸峪水入漕歌

大峪蜿蜒如修蛇小峪參差等犬牙兩溢崩奔石如沙轟轟
轟碎鉤喧雷車出山其勢利鏖耶合陣衝突無津涯小橋
沒入沉綠瓜嚙民腴土侵民家我欲布灰水中賒我欲操
舟舟且退出觀拊心手長又此間泥淖停犁耙牛饑驢瘦
臥橫斜啄背秋陽立烏鴉陰晴渭水使人嗟

哭王大千並唁其子

吁嗟乎天既生大千不合卽令大千死大千多藝復多才
宜乎文華光前史蔚蔚通神靈何哉鬼伯奪其筭縱不許
彭家八百年詎忍靳之不予半已而已而髮之星者化爲

河濱詩選

卷五

辛

雪與霜與其縮綬困朱紱不及曳杖恣徜徉既有良弓良
冶之兒郎何必同乎青青不時之松篁嗟乎哉彼卑饗餐
惟酒食君得高潔不違則人生有生必有死谷神玄牝思
老子

贈趙臨潼

論文無何有之鄉鴻濛雲將同太始宣尼周流七十國班
荆亦識子華子我輩寂寞偶相逢得與斯文稱後死神君
霖雨驪山歸一十八代正前史詩緯奧衍該羣經讀者咋
舌復擺指此中包含治世畧豈但張華博物耻無那不住

留劬嶺北訪首陽渡河淚他日握手蘭臺傍酒酣坐待雄
風起

自灞至城見黃咸寧夾路種樹

灞東灞西萬年道新栽行樹生陰早去歲莊廵走馬空一
望長安多晴昊赤城齒齒女牆連行人爰暵亦悲惱今歲
后土湧緇林夾路青葱春色好不似泥塗長苔錢潏然蝴
蝶飛芳草石梁屹屹斷煙中沙堤漠漠清流抱傍有田塍
插秧宜碧洞翠合日影倒諸溪灌入瓠子灣遠嶂皆還芙
蓉島溯源斜出玉山峰作繪且得玉維稿子衰不弔芷陽
河濱詩選

卷五

五

城滋水悠悠復浩浩來往秋春大化庚安得容顏存難老
時當一統賀無虞茂宰神明萑苻掃公餘政暇壯猷分課
桑藝麻植邠棗柞械蒙密嘉木成荆榛芟除心如擣治理
分明仁義兼一民一物煩細考但爲斲樹不勝情此後珠
玉無足寶我歌剽比陶士行武昌種柳須相保

春雪詩

桃樹李樹候春入寒冰雪不禁持天下何能常粟烈融
和會見東風吹東風吹處人不見一夜柳色涇河岸雪消
猶有數斗泥花意將萌一群燕閨中少婦玉不如枕痕印

出輕紅線夢時不知是何心覺來香顏損過半人生遇合
亦非輕老至莫須傷貧賤寄語相逢宜相歡少小無多歲
日變

戒墨

麝作喻麋吞生硯如蕪金鴨迸雲篆點染十行綿機聲一
一風騷成酣戰我心寒濤九秋澄敢謂高空通銀漢時聞
絕學恣馬鄭猶嗔外道皆管晏輕薄之流復紛紛紫氣竈
聲已久變戒君切勿效其蠶凝冰礪鐵不自賤

文昌東館飲酒詩

河濱詩選

卷五

五

文昌使者頻讌士士囚相酌邀玉珂折簡先招龍鍾叟殺
羊炙酒徵清歌天紅懸楣新染閨花葉扶瓶視香羅旋呼
萬里犀獨角酌我三春釀元和各勞海苔試鸚鵡盤礪審
視爭吟哦隱雷南山聲未已揮塵飛濤相戛磨時有太原
諸年少謂兼山星伯僧繇可與論筆波謂白芍藥枝邊人如玉

鶯鶯聲裏雨鳴荷文昌使者歸其署留髡還看醉顏酡老

予不解事起舞屢傴僂焉能逃入棗栢室宿醒免臥堯夫

窩

主人相留以爲東館可榻何從只求安樂窩故有此語

一杯復一杯願得常相過

有約同騎款段馬遊山還假魯陽戈與之凌射熊問馭娑

療饑太白雪秣騶玉山禾不知官長肯相許人生隙駒易
蹉跎

贈梁茶使曰緝

崧高生申甫山川出雲雨我家分陝本西土咫尺兩河同
繡譜五嶽真與五藏通一身周淡爲肺腑蓮蒼千葉莖蓋
金圭臺緱氏心懸主有舜遺踪紀尚書周召登翼馨自古
宏農馮翊雲族生此境豐稔各安堵父老紛紜盈丘阿忽
向漁樵狂相語今時何時梁公來埋輪衣繡身執斧昔當
綰符萬年城花香太乙沉重舞行中書省舊周京倏生甘
河濱詩選

卷五

垂

蒼條藜苦惟公不愧父母名會見恩威勝勦撫物馬力馬
富天閑雀舌龍團佐軍旅太公司馬足遐聞整屋畏壘崇
祖武所以扶杖與携壺道左恭迎忘爰暑

庚子 恩赦詩與審觀察

皇帝十有七年時庚子肉人枯骨生人死貫索已瞻天上
空輿鬼還卜福堂洗是 恩浩蕩無終窮鴉野勅簡審山
東將使官民無桎梏先覓方朔問魂蟲時藉贖鍰爲軍餉
計部樞部心忡忡我公淑問兼式敬神禹泣罪同至性但
期刻木與畫地不願照膽學秦鏡作歌公然誥秦人百爾

有司宜維新天道今已轉皇春慎勿犯法邀大仁慎勿犯法邀大仁

寄懷梁桐焦

天下能有幾崕峒此山玄霍更神通不知胎孕始何代飛出飛入常冲融或云昔年只四五相傳舞翅無雌雄近來相携六與七翱翔蒼翠戲鴻濛此鳥有定居多在廣成宮疑是軒轅黃帝之元相至今羽化爲仙翁所感增者爲嗣續他年其類當無窮聖哲賢良皆如此仙者日多人數空我與桐樵生遠慮安得如霍邀遊徧高穹只恐仙去遣人

河濱詩選

卷五

五

世且期小試勲庸中

三川

洛水湯湯驛三川杜甫經行是何年自從唐家天寶後北行惟有范絕佑劫火邇來更銷魂漬血枯草瘦犢存

黃梁谷

黃梁谷窈以深立節將軍谷之陰乾谷湛然牛車汗鬼神移徙陵谷換陵換谷遷痛有餘今人莫怪楊班車

與秦山子飲

美人贈我青蓮葉葉香貯酒意清嫩旋呼錢塘秦半刺淋

瀉痛飲流夕暉人生貧薄覺安靜此外倥傯恐亦非縱觀
閨浮如泡影日月奔奔無停機白髮黃金兼不得南華真
人重披衣我醉而醒心耿耿荷葉有知同依依何當常在
美人傍古道相看不相違

飲栢行

西王母宮有古栢側葉青青風雨高何人剪之餉遠客石
鑿香雪烹春濤清甘不與衆栢同使我入口息煩勞西王
母西王母舜時幾何穆天子栢如仙人長不死與天齊年
亦數耳朝菌虛椿皆可耻俗客未浣腥穢腸栢葉栢葉事

河濱詩選

卷五

五

茫茫

送張白珩開府移閩

長安東郊人如烟相送憲節入閩天黃髮鮐背跪其前泣
言公去何翩然兒童婦女更紛闐無計留公淚如泉公今
棄我何時旋瞻彼歸橐剩悲憐公福秦人無一錢清風慈
雨常留連天朝每念西土偏豈不得人公最賢公避賢名
禁碑鑄士民公論恐流傳我睹其事絕後先或相嘆惜或
管絃雍疇赫赫應星纏武夷海滋撫九仙蕭何治餉士安
全東西底定靜戈鋌太平有道稱萬年秦人無爲嗟棄捐

九嶷山并序

歲在甲辰二月二十二日醴泉告變長吏弗寧清苑何公率所屬唐周兩郡丞往定之罪人斯得地方安靖然其鎮靜安定之功顯在口碑而隱裏不自居功也至於察見民情罔爲羅織無辜株連悉行宥釋微但天性仁良不嗜鷙忍盜非大盜城池印信如故治盜之法無煩多事於此見朝廷弭盜以安百姓之意秦中諸大臣同心戮撫是以九嶷作頌粗述崖略言不足文或有取焉九嶷山山下孤城合維艱時當平定歛不測誰爲蠢醜肆兇頑爲令復仇亦易耳城中玉石或草菅大臣淵慮無遺策天子仁聖卹民間赫赫何公挺身往少府相從多壯顏下令張羅搜狗鼠旬月次第就除刪市肆安堵驚魂息徐見官衙燕子還吁嗟乎此盜烏足齒白刃我民幸甚免赤殷百里原野青麥豆大旆悠悠介馬班

中天書院詩寄程觀察象六

聖道鼻祖今仰止天水畫卦惟一人元會遷流包舉遠日月終竟無新陳姬家父子秘不得去黃龍戰虜屈伸我欲周旋元氣始坐見兩儀陰陽純吁嗟吹律寒谷黍寸管尚

回三皇春世上豈斷鳳皇竹安能制作起伶倫或以驕腸
招商瑟反成白拒和泰鈞吾里恭簡精大樂畧爲小試舞
崔賓絕學不續韶與武遂使江河生波臣音本人心心極
聖氣調何如心中正誰將宓犧用著時懸出大圓軒轅鏡
樹標象指數畝宮真風星緯高相映聚井五星趙眉伯臯
比直見天性命魯齋不啻草廬賢力返衰頽非不幸高陵
苑洛泊長安一絲九鼎關吊慶古院巍閣署中天鬼神呵
護尚依然馮氏子孫未自主生徒半已隨雲烟總因氛霾
須白晝重使昔哲勞後賢郡縣諸公焉置喙草野紛紛無

河濱詩選

卷五

五

其權甲馬租賦皆旁午銳頭伏飛方駢闐惟有涑水君實
在傑出矯矯淤泥蓮食人宛是仁祖米移山且費廉官錢
會須盛事復濟濟盡給閭巷鐸書編我以野史勒鐘帛東
望五老隔黃川鐸書乞我十萬部同作西銘志樂傳

初秋感嘆渠水之非古作龍首渠

龍首渠水鳴湯湯昔時奔流入宮牆今日環城止城下蒲
稗離離破斜陽爲惜浴鷺眠鴨聚不復銀瓶素纒長使我
晨夕無漱齒秋熱暘甚失玉漿忽憶太液近昆明影娥池
水俱含情漢闕秦宮久寂寞何況民舍不歆傾龍首渠對

汝哽咽不能平

秋雨嘆

雲頭雲尾填寥廓五六十日無日脚大城之中百事難何
況沿溪小村落墻如山崩善厯人屋漏無柴萬竈貧種得
禾黍十千畝化作泥滓不入唇老農吞泣老婦愁大麥小
麥播種均不能驅牛犁隴上明年饑餓會逡巡回首罵僮
僕爾輩忘苦辛但索餅與餌不知祀稷神稷神賜惠生百
穀不似官吏食爾祿無旱無蝗無豺狼雨多反向雨中哭
汝等傭者不輸糧水灾魚鱉盈川谷昔當金死憾粟生今
嗟聲聲正長秋空秋水兩茫茫

爲劉口新題破扇

終南高士珍破扇自用殘扇遮其面此物幸蒙懷袖恩譬
之人不忘貧賤我乃多事更以新扇已入竈化爲燄世間
何事有定憑才子留落佳人嘆

期沈繹堂遊城南

昔我孤舫浮婁東平湖極目見海掌中涵千嶠不知名但
於龍巢嘆淵廣今君駟馬入關西古城撫操彈山響八水

三川太液池不如嶽鎮恣遊賞墨華香動漢唐宮筆鋒橫
暑神仙榜九霞彩煥鳳亦驚千金一字何足仰域外何能
汗漫同終南紫翠堪一往願借樂天飛雲履直到山顛俯
泱泱北眺北斗正闌干達人自發臯夔想

賦得海印樓釀太和春似彥宏小爻

酒徒對酒如鍾嶸評詩一一得其情旨酒思柔春近是於
醇不難難爲清一瓊肺腑收宿症十杯詩意發高明乃知
苦者如毒霧其餘酸楚傷平生太和元氣氣在否却向成
周道上行嗟哉釀叟不可起未酣翻欲淚縱橫

河濱詩選

卷五

五

花隱歌

花開花落知幾度有人隱在花深處可憐花有數枝存種
花老翁已仙去此翁難弟淚滂沱乞我爲作花隱歌憶昔
常入馮翊郡友朋傾倒金叵羅一十七年人凋謝倏忽不
異夢南柯當時花隱人未識至今追憶事若何吁嗟乎草
木精英花最妍亦如人中有大賢灌溉以力爲雨露能作
萬花之高天花神無語無今昔人亡花在復何益惟應花
作東風春吹花還見花狼籍

聞喜古碑詩 并序

曩計偕過聞喜問晉公故里於縣郭見鄉獻祠豐碑在
望未暇細讀他日索之於廣文乃榻文徵明字以報裴
碑缺然今以睦王兩生寄信前廉憲程公因托求之於
茂宰主人

生平嗜碑獨太過焉能隨碑常坐臥此事非食亦非衣自
咎欲貪萬卷破山曲水隄沿無窮道傍碑版敢遂蒙古阡
窈窕郭有道綠野萋萋裴晉公晉公鄉曲聞喜遠曾與唐
史相見之平蔡雪夜鶩鶩聲藩鎮次第歸正時憲宗獨斷
公能任此功昭昭人可知吁嗟乎此功異代揜不得當時

河濱詩選

卷五

李

辛苦勞顏色亂臣此後卽披猖乾坤一柱堪法則縱無片
石鑄龜龍已如元氣盈方國渭橋惟公文稱絕誰爲文公
應擊節願得墨華表石山長使青鋒滌賊血二子爲我訊
程公此心兩地爛難滅

上春下弦集陸儀甫署中

清時孔道異今曩萬戶千戶交親廣昔者軍容侈壯觀旂
聲吹處車百兩近來文德靜柔嘉鳴弦調撥黃河響主人
能武又能文無怪四海皆爭往劍浦之劍合雌雄機雲華
彩分俯仰河濱老客歲一遊每每旣醉或抵掌會當日肯

節飛觴多情再三猶相強折簡欲辭不允憐扶持自笑如
乘舫入門乃見賓朋多揖讓周旋精神爽衰脛無力久立
難脫畧不耐隨燕享謬以馬齒玷同人深愧滕薛爭爲長
鐘鼓瑟笙次第鳴堂上升歌清鹵莽四座洗耳復屬目我
獨飄渺非非想漢家梨園亦尋常開元羽衣何足賞幸及
登平無不宜遠近諸賢皆吾黨但於杯酒須臾間省却他
日遙相訪或語或默或獻酬更移漏轉天泱泱此時狂態
欲橫生可以題署神仙榜席上英雄筆卓雲天翁下跡應
加獎吾兒年稚夫何知緼袍斜睇王恭擊核果雜陳樂未

河濱詩選

卷五

空

闌老夫歸矣時亦朗土床藉草寥落增不見蓮花泥魍魎
仙遊潭

未到潭邊釣白龍先聞潭影深無問空洞常積千岩雨飯
鏡歛飛萬里雁木客山魃不敢窺神魚珠蚌聊相盼吁嗟
荒寺隋家宮輦路迷離生野莧

汧陽宿五里墩書懷

汧陽之交水淒淒有客東歸顧日西關山已出仍似隴一
一丘原高復低可嘆天貯來春澤化爲行人脚下泥雖無
錦人舊逆旅向隅偏聞寒者啼雪晞山顛生黶變石如鯨

齒不能齊安得盡消頭上雪長使九轉淮南雞

秦州西郊

高原阻水無多樹吳璘將兵曾此處霧雨濛濛濕五城今
日無情昔人懼一事關心宜不宜太昊祠前有今碑此後
萬年孰可待質文分合那得知

問東柯谷

杜老遊歷便爲家新詩楚楚芳如葩秦州東柯蜀浣花此
事千載使人嗟我今垂老過成紀山川信美非故里明知
順流下渭泐信宿且飲南湖水

河濱詩選

卷五

三

初雪飲蒲孝廉男祥齋時其兄白珩在坐

欲歸未歸雪散花衝泥入坐孝廉家相望霽景紅暈淺山
原如玉復如霞孝廉年少懷抱富兄弟怡怡才調華此中
多士雞羣隼斯道衰盛蓬生蘇不嫌迂拙飲我酒留連城
外月欲斜月欲斜雪半液試問今夕是何夕玉山頽倒是
何客江南筐篋無異書隴右杯壘堆琥珀自笑老夫未減
狂辟如髡樹猶風格何如鳳雛鳴朝陽不受寒鴟腐鼠嚇
二君皆自好不
以一字入公門豪賢富貴自有時梓里交情真三益縱使

日月自升恒明晨視今已陳迹

菊花雪

湖山西爽天氣澄秋高吹雨潤丘陵黃花艷開香蕊馥鴻雁聲中媚轉增利那霏微成飛片彌谷盈壑玉蝶升亦如尹姑粧粉出葉葢清減髮鬢髻復如壯士宵擐甲骨貌寒栗意騫騰或疑書生勤几案先教雪照映孤燈又疑千峰寒色峭閉戶獸坐西來僧此邦高峻崑崙邇不比東南下濕凝太白神湫方六月峰顛萬丈積古冰有客探竒逢異况欲披羊裘臥凝甃無端却慮漁樵凍峪難揮斧水難留相習窮困無襦袴焉得金灶却痴蠅寂歷敢煩地主問捫河濱詩選

卷五

三

心自覺費葛籐杜甫當年東柯谷我今躡履尚擔簦併懔晏吳還倚杖歸思茫然每拊膺天水居人來相慰雪菊竒觀得未曾

秦州卦臺山詩

稽古太昊庖犧皇華胥成紀志發祥

或曰孕十有二年故曰成紀

都陳

立極誰爲繼惟有神農軒轅黃

易大傳以此爲準

今來成紀思稽

首渺末小子愚顛狂或云太昊之靈永無疆空山八卦川

三陽時晴時陰不可辨深雪照玉文乃彰惜我無福天尚

暖異迹難求我心傷於是肅然而悲蹙然而嘆曰吁嗟乎

龍馬豈無皮晉家武庫火具揚著草不百莖神龜雲氣空
傍徨古初鴻濛開聖哲仰觀俯察故難量胡爲山靈能貢
瑞冬貞白雪爛生光可以兒連山孫歸藏肇周公啓文王
仲尼遙從千載下三才深契神無方學者焉知觀象表縱
入深山徒相望竊聞物物含太極峯回溪抱理微茫小蟲
尚可書柳葉冰花纈繡亦非常水形紆曲成巳字山容卓
詭竟爲商辟如夫人文在手或如書人雁翱翔神鬼呵護
天不死木德風姓豆邊香此山甫自崑丘下空同鳥鼠敢
相當欲問先天後天意却在雪蜚雪消鄉卦畫隱與顯聖
河濱詩選

卷五

齋

人存與亡圖書分祖述支離各爭強刻畫索貞悔百家乃
相戕或醫或風角或鈐或葬喪或爲緯與識或爲丹火房
或以城郭或宮室或以婚嫁卜鳳鏘或以乾坤分鑿度或
以納甲納音括歷章不聞京焦關朗與管輅誰窺此山自
然之柔剛我悲未知從何起我歌未知淚浪浪安得親侍
太昊側太素浩浩渾相忘

贈別天水高刺史

張秦興楚是何時一統久矣歸皇基伯益羸封不改井我
懷黃能舊乘攬儘有天柱西北石却想南岳峒嶺碑山海

經文紛靈詭蛇身人首緬神奇竭來欲採王母栢稽疑何
猜百葦著路傍樵者非故友班荆坐論拙言辭但說二十
年後事牡丹原畔陵谷移復說畧陽軍糈運輸載連綿不
知疲貨賄雜選小都會瘠磽幸甚有王師繫予樵蘇鑿開
草不蒙銅錢半貫遺天皇近有銷兵慮此地青疇滅龍旗
矯矯襄陽高刺史近日一一布和緩我聞此語察其眉此
行風謠衆已知揮素別離使人悲

歸京北將假道平涼涇原邠乾醴泉未果

山川有福遊有命我生歷落成衰翁旣不能馳驅八埏周
河濱詩選

卷五

奎

八際安得局促憂愁守蒿蓬妻孥之計非吾事買山而隱
亦虛空所以常祀夏后禹九州浩浩窮無窮腐儒大笑恣
黃口譬之蟻蝨在禪中或如鷺鳩但搶地不知海運乘大
風吁嗟讀書萬卷觀盤古曠世幾與前人同伏羲今纔入
成紀黃帝便可拜崆峒廣成渺渺惟玄霍王母相隣近鴻
濛渭源吾已躡涇洶何難通頗傳朝那湫亦聞問道官六
盤之險何如關山月詰屈羊腸使我歸路困匆匆况夫鶉
觚與我爲桑梓可以走馬陟九巖九原九隰之幽館寒冰
履跡之先公粒我蒸民民忘德瓜瓞岐山及周豐我欲百

拜其廟下奠以椒漿歌其功區區唐陵何足道野雞鸚鵡
請兒童秦王卓犖埋青嶂六馬屹然隱玉礪此心悲傷我
涕泗此行將駕未能試山靈應笑我不才邠谷無由得一
至徘徊岐路勞神明朔風栗烈復相吹

端陽前一日樊城作

此邦曾經劉孝武何況浩然與杜甫我來不及千餘年懷
慨懷人友前古寓公謬愛米襄陽文奇而險書俊嫵上之
惟有諸葛公此公不與衆賢伍無能登徧襄中山盈盈恨
風復恨雨

河濱詩選

卷五

五

仙桃跡歌

仙桃跡分明桃子印於石石側土人爲予言此路父老識
根源仙人賣桃此山下買者紛紛多且繁或以咬其妻或
以咬其子無人持餉親老仙怒不止擲桃擊石石應手桃
形宛然垂永久今日不見賣桃翁過者噴噴不容口虛傳
蟠木在仙家三千年歲始一華不知黃雀樓下崑桃不可
食可長嗟孝者知此桃比於懷橘情亦比曾子棗亦比考
叔羹逆者視此桃知畏神人威不絕溫嶠裙當着萊子衣
豈但子事親且以教人臣鄭芹可以獻豆粥可以陳教人

爲悌弟讓梨以敦倫教人爲良友分金念其貧世偷道衰
感如何二桃三士淚滂沱餘桃衛靈真痴愚木桃齊桓報
施多最恨孝衰於妻子請君讀我桃跡歌

再贈黃邑令退思

三日不見鄙吝生汪汪叔度古今情況復神君儼可事文
章飾治頌琴鳴所遭盤錯別利器知君承上馭下獨有不
得已之衷誠上欲巧婦炊無米下欲阿婆撫赤嬰空釜難
適易牙口勃雞每厭婦姑爭我稔爲令備艱苦仰體君侯
才大心苦隨權衡吁嗟楚材直楚望以此調燮比調羹掣

河濱詩選

卷五

七

肘欲書龍鳳字膠瑟猶思山水聲吏治誰憐龔渤海學仙
徒表竇子明黃君黃君面目已如神禹黑風夜常悲魴尾
頰我當糊口遊殊地未嘗接膝獻葑蕀歸來伏得盧生枕
尤感頻煩浚郊旌煑藥無砂分勾漏扶衰思杖借班荆歲
秋七夕雙星會氣爽一朝萬寶清復子明辟欣公旦時聞親政
爲今不煩顛蹙布盤庚作爲景雲皇霽句榮陳金昊舞
歌行黃君黃君我歌曲孰爲賡楚人倚相稱博學公餘和
我頌登平

六子歌詒華州陳進士 并序

徐卿二子工部之詩也淵明七子自述其生平而紙筆
梨栗感慨係之矣尚書五子之歌空同蓋嘗和之予今
爲六子之歌則祈陳氏之光大如乾坤之六子焉義各
有取或有當爾

三鳳不屬薛八龍不姓苟我今載見華州陳陳家年少趨
庭日北郭葱葱佳氣新長子雁行連伯仲四郎玉粟耀珠
珍書搖燈雪無停晷嚮和墳篋有至倫吁嗟乎富貴皆前
定功名亦有因不如學經治史聚精神文昌吾道終茂茂
繕性持心且津津

訂濱詩選

卷五

六

送岳邁亭

秋陽秋水此一時送行重賦古別離別離夫如何君如陽
雁翔東南我如危岸寒沙西北阿雖有相逢異日情其奈
不堪握手渡黃河黃河濤浪不能留我欲化身爲輕舟化
身爲輕舟載君前浦復前汀與君泊咏楓葉赤可以飛過
岸山青赤葉青山里數千瞥眼驚心秋纏綿朝發桃林夕
朱仙何當駐楫五湖邊黃河東有五老峰遙邇屏障皆芙
蓉禹都精神通文命還與巫咸傳說時相從此間離海發
海光聽馬御史印秋霜主人舊沛三秦雨佳客新采八水

香應知尊酒或夜話文翰風流不可當司空表聖必顯誅
角里園公豈頓忘我不能爲紫芝翁亦不能爲白首郎遙
懷金叵羅空欲流涎白玉漿秋月照人無同異誰是故鄉
與他鄉君不見黃河九曲朝宗處五湖萬頃共茫茫

四圖歌 并序

客有示予以牡丹蓮菊梅花四圖者皆列人物於其上
春之讌富貴翁坐匡床客陪據胡床二童子吹簫按板
作賞花之侑又一小童折木葉於餅夏之婁據地臨沼
傍設矮案置研水中丞筆管畫卷案之傍瓊學粗具侍

河濱詩選

卷五

完

叟者恭而立宦馴不驚秋之老手攀黃花旁有頽然而
臥者曲肱以枕琴尊果核栝蠹危散設而不御一似夫
旣讌而醉者二小奚間娉皆以野趣相湊泊冬之二老
挹梅樹神情簡遠或仰矯首如思詠或正而伸如眺遠
山童子之負笈挾琴肩脇而帶詩囊者無俗奴態予卽
不知其作者何人藏於趙獻素之家此可紀也甥文白
張永賁求書予兒中黃瓚又從叟之作歌綴焉

今古此天何寥廓不有英華歸寂寞四時分序各乘權亦
藉高流能領畧我於圖畫數尺中歷歷懷抱不復惡方當

春盡立夏初城中未見木芍藥絹粗葉細堪手摩疑有色
香入春酌鮮賦紅藥當階翻不如堯夫天津稱安樂槐夏
陰森麥浪平想像他方景不薄我家天井綠葉繁石榴仙
棗喧群雀池上芙蓉破水痕五色的礫相蒼萼便思太華
峰頭行親見碧藕香若若何必讓與濂溪翁祇教吾道成
顰顰無端感物預怯秋處處梧桐催蘅葯野蕙家菊傲寒
霜誰是淵明心無縛縱可悠然見南山日對東籬亦魄落
吾鄉高寒易作冬米囊席雪多相虐直北明駝人倚眠冰
蛆褐毳烟漠漠那得梅龍十萬條開岑酬月凌飛閣但許
痴碍迷顛倒

風入關河口 并序

予家渭之涘每苦風之自東南來者以關束之則動不
可當故賦之

可怪擺條風常來驚戶牖嗷嗷雁聲中淒淒關河口關河
紫氣爲海氣可惜吹時金鐵吼金鐵吼一夜落梅復折柳

咏牧羊事贈張璽如

石爲羊山之中澗之旁羊饑羊飽仙牧忙羊化石復藉藉
豺不驚虎不擲此羣李廣不能射羊石幻哉化屢更誰爲
此者黃初平他時重見左元放仙人妙用曹瞞驚今知玩
世張公子仙牧仙羊有遠情

怪鼠

可怪吾家鼠不知家無糧宵剝床以幹晝穿盆與盎穴我
屋頽我墻老鼠啾啾鬼不藏小鼠啣啣學爲殃家鼠多齒
牙仙鼠化拖腸無人銓選苗金吾使汝縱橫敢作狂

河濱詩選

卷五

三

春風行

正月二月春風作閏年春風力不薄吹花吹雪節候殊餘
凍添出春風惡忽然峭寒益蓋冰忽見催殘杏花落漲天
霾土不分明新波鬪出鯨與鱷黃楊厄夏麥芒遲春風春
風何寥廓

顧繡吟

不寶風胡劍不貴紫磨金四座且莫諠聽我顧繡吟顧家
巧女妙難述神授金針代不律管夫人後無其倫女紅幻
出天秘密此幅草龍盤珠帳蒼鼠如生來枝上瞥然見者

口生津涼州斗酒堪爲釀顧繡吟吟顧繡男兒拙呆指如
槌七尺不如玉笋瘦

塞耳行

床下紛紛聞蟻鬪腦中絮絮神先瘦病翁血衰耳太聰夜
眠相伴蓮花漏天寒更鼓斷復鳴但喜有聲入耳又死者
豈不具耳根物我冥冥俱失舊我今魂出復還歸萬事欲
忘却輻輳屠門縱犯號且哀想見之死無人救司晨啾啾
雞鷺喧雪泥糝粟埋殘豆守犬竊食竈釜聞嚙嚙啾啾
中雷何況鞭笞老幼聲與我同類難禁受塞耳行噤口時

河濱詩選

卷五

七

哀哀赤子苦自知

軒渠篇 并序

序曰物之成毀數歟溢喜則縑被於木官加於石繡施
池下綵榜簷端遷怒則無鬚者疑死於宦寺女名者見
殺於宮闈予聞貪位而失之者於其出衙以牀榻懸櫺
作炊裂藻井穴墻壁毀裝池之楮幣穢貯水之甕益不
念民之脂髓惟恣已之咆哮夫作始尚恤冒被長上何
忍暴殄萬戶噉噉百工將瘁此亦倣筭之變局而殃魚
之橫及也物之成器梓材陶冶皆以利用平日之所御

者一旦棄擲何其不達且不仁也作詩垂戒付之軒渠
老人舞掌笑軒渠傍有哂者亦胡盧我乍聞之爲掩口噴
餅哄堂皆粲如輿夫亦絕倒狼藉物類歲無餘物如有魂
凶短折人獨何心狂也且數日之前醉杯虛冀望徘徊尚
樂胥血入齒牙嚼已慣史能罄竹羞成書嗟嗟器物增歛
噓增歛噓有堂有內不能居慘如棄婦恹恹離舊廬酒飯
杯盤終委地饑飽七箸遭蠲除此事此情笑眼舒昔何淨
淨今何徐低頭垂氣就小車不但管人生蟲蛆

後軒渠篇四首 并序

河濱詩選

卷五

七

序曰混元之訓下士聞道而笑之不笑不足以爲道昌
黎之文亦云然則人以見笑爲佳耶彼哉有可供軒渠
之事多不勝言縱筆紀之非笑伊悲悲其喪恥喪品以
涕破笑笑之變也

磨刀霍霍殺瘦猪殺猪何爲請里胥里胥三十六一一行
次且猪肉非不美人肉其忍哺况乎割我肉烹之以庖厨
此事堪嗟堪哭堪懊惱奚暇微哂復軒渠軒渠叟大拍手
縣官俛跪里胥走呼屠宰豕復割羊柔毛無罪代人僵君
獨何心忍相肢將以延客計不臧舊日所左曰膠庠二三

黎獻推且藏厚顏重鎧犀皮強有酒如鳩誰敢嘗一臠千
金衆口長卽欲作祖衆難當不忍軒渠反心傷嗟汝科名
負文昌

疋馬來疋馬來官將飛行何方去十五里古趙渡頭土
地宋城隍歷年五百閱興亡歷年猶神靈至今能騙鬼鬼
母鬼子狐九尾神之左右旋風偉喪心攫金金不得笑殺
鬼判笑無力鬼問神公費作備始何人鬼神皆笑不成噴
左契防奸需赤文此事微細客紛紛客紛紛恃教下不得
恩翻得罵逢彼之怒人皆詫人皆詫不忍言蟻土鷄雀化
河濱詩選

卷五

五

狂鴛狂鴛求雌白晝昏不風不浪卽奔奔此計狡甚體何
存笑軒渠口張齒露可招魂

令鳴鉦士鳴鼓鳴鉦嗶嗶旁觀舞此間原有黜官窠往往
棄職來居處來居處饒口多舊隸促行戶行戶慄不歌米
珠薪桂當奈何笑殺從者皆斥訶羞慙入墓尚干戈辟之
方相逐鄉儻如爾魁尸將消磨

未申嘆

并序

序曰未與午同宮皆火德也以土寄王故六月三伏匿
金氣焉或謂與亥卯三合則乙巳丁之共宗可不謂之

雜歟若夫申者坤也土之西南得朋者也水之長生乃
爲子辰之淵源而日將入酉晡則曰病火微而困庚金
方祿五行獨無木吁此亦雜而不純之候也今悉癸未
甲申以至於丁未戊申作未申嘆

鬼金羊鬼金羊羊躑躅人傍徨悲哉觸藩進退衆心傷參
木猿參木猿搖碩果踰山圍巫峽三聲易斷魂爾亦如人
解號冤吁嗟未與申其象係人倫焚溺爲水火存亡則君
臣誰謂四方靡所騁畏首畏尾餘幾身於今天下歸底定
痛定思痛涕沾巾痛定思痛涕沾巾幸甚長爲盤古民

河濱詩選

卷五

五

趙岫雲贈我松花松子菌山蘑菇賦謝

老松如人欲避世年齡已老情更多開出茯苓根上花復
結了令雀邊窩松花虛而細其細如塵沙松子脆而香其
香清且和復有松下菌可與芝同科亦有雲腴相依倚磨
菇之性耿不磨崧高菖蒲並難與綺皓紫芝共婆娑仙翁
珍重不肯用擲向空虛且吟哦問翁何所吟何所哦滄海
桑田幾庚遷世上紛紛走兵戈老松老矣樵子泣哀哉斧
斤不忍過幹可拂雲烟枝亦受絲蘿自從俗吏求山珍黃
冠童叟爭奔波願松化龍騰空去莫使凡人奈我何

